

東

華

錄

東華錄

康熙六

臣王先謙敬編

臣周淪蕃恭校

康熙五年丙午春正月庚寅以廣東旱災命動支通省見在積穀六萬八千二百餘石散賑○平西王吳三桂奏土酋祿昌賢等作亂臣同總督卞三元提督張國柱等分兵進剿平賊寨數十處遠近蠻獠聞風懼伏滇南大定得旨嘉獎下部議敘○癸巳予故原任河南總督劉清泰祭葬○丙申先是八旗地土各照左右翼次序分給時因睿親王多爾袞欲住永平府故將鑲黃旗應得之地給與正白旗而給鑲黃旗地於右翼之末保定府河間府涿州等處二十餘年旗民已各安其業至是輔臣鰲拜與蘇克薩哈雖連姻婭每以論事相爭成隙鰲拜鑲黃旗人蘇克薩哈正白旗人而

鑲黃旗應得之地爲正白旗所占鰲拜故立意更換索尼亦素惡蘇克薩哈逼必隆不能自異因共附和之鰲拜遂使八旗以地土不堪呈請更換移送戶部戶部尙書蘇納海等奏地土分撥已久且康熙三年奉有民間地土不許再圈之旨不便更換請將八旗移文駁回疏入輔臣等欲構成其罪稱旨著議政王貝勒大臣九卿科道會議以聞○戊戌子故廣西總督于時躍祭葬○以王庭爲山西右布政使原任江西右布政使○辛丑諭戶部近聞內外奸棍違禁妄稱顯要名色招搖肆行於各處貿易馬匹段匹及各項貨物河路霸占船隻關津恃強妄爲此皆該管官瞻徇容留疏忽玩所致以後如有此等奸棍仍前指稱王貝勒輔政大臣及內外大臣名色招搖肆行者地方官必嚴察拏獲送部從重治罪如地方各官仍踵故轍瞻徇怠玩不行緝捕或別經發覺或旁人出首將其

貿易經過地方不行緝捕官從重治罪爾部卽通行嚴飭○壬寅  
康親王傑書等議覆沙壓水淹地十五萬四千晌有奇該佐領未  
經踏勘難以懸議應差部臣前往踏勘明白造冊再議疏入輔臣  
等稱旨踏勘地畝情事重大著入旗滿洲蒙古漢軍都統戶部滿  
漢尙書及滿侍郎一員都察院左都御史及滿左副都御史一員  
六科給事中或滿或漢每科各一員往勘具奏○丁未福建總督  
李率奏卒遺奏閩海餘氛遠竄臺灣奉旨撤兵與民休息洵爲至  
計惟是將眾兵繁若撤之太驟不無驚惶太遲又恐貽患目下當  
安反側之心日久務防難制之勢紅毛夾板船雖已回國然而往  
來頻仍異時恐生釁端閩省兵馬錢糧專望協餉儻若外解不周  
卽有意外之虞至數年以來海禁甚嚴遷移之民盡失故業宜畧  
寬界限俾獲耕漁稍甦殘喘得旨李率奏原以才能蒙 世祖章

皇帝特簡浙閩總督自任總督以來克副簡任之意殫力報效剿撫賊寇多建功績且忠清素著正資調度料理今以久任巖疆積勞病殞深可憫惻應得卹典著察例具奏餘著該部議奏○平西王吳三桂奏雲南迺東逆首悉已擒戮惟王朔黨王伯王龍等李成林黨李六九李伯牛等或竄匿深箐或逃奔交趾臣遣右都統吳國貴總兵官馬甯等分路搜剿俱就誅擒各路官兵並撤回汛下部察敘○己酉以張朝璘爲福建總督原任江西總督○是月免江南長洲等十一州縣直隸無極縣去年水災額賦有差

二月壬子朔以上司安坤故地比喇爲平遠府大方爲大定府水西爲黔西府○增雲南開化鎮總兵官裁忠勇中營總兵官○甲寅吏部議覆平西王吳三桂奏貴州總督舊駐安順雲南總督舊駐曲靖今併爲雲貴總督宜駐貴陽從之○丙辰給事中黏本盛

奏舊例急選行於單月而推升大選行於雙月其所出之缺大選  
得入推升得二蓋以大選之人加倍於推升故得缺多而急選之  
人有開復還職丁憂起服降補等項故獨占單月均不致壅滯乃  
今見行例單月所出之缺歸之推升一項雙月所出之缺歸之急  
選大選兩項則是人數少者偏得缺多而人數多者偏得缺少此  
急選大選壅滯之由也臣愚以爲推升急選大選似宜截日均分  
如推升在單月者應止分二十日急選大選在雙月者應各分二  
十日如值急選人少餘缺仍歸大選參酌新舊例之中定一經久  
可行之法務期彼此均停免選官守候之苦庶銓政公平卽選法  
亦稍爲之疏通也伏乞敕部詳加酌議以垂永久得旨凡補授官  
員必使人缺相當無致壅滯或缺少人多終身無見用之日殊非  
良法以後一切員缺務酌人缺多少俾獲均平以副朕用人至意

九卿科道其確議以聞尋九卿等議大選推升急選如各分二十日不但事例繁多且爲期太近易生弊端不便准行至所稱見行例急選大選壅滯之處應改照舊例雙月大選推升二入分缺單月急選其京堂等官應照見行例按缺補授從之○丁巳欽天監正楊光先奏今候氣之法久失其傳十二月中氣不應乞准臣延訪博學有心計之人與之制器測候並敕禮部採取宜陽金門山竹管上黨羊頭山秬黍河內葭苧備用從之○乙丑吏部議覆廣西巡撫金光祖奏慶遠知府李學禮父母就養任所相繼病故自請扶柩歸旗照漢官守制二十七月查定例漢軍文官外任者父母在京物故准回旗守制六月其卒於任所者守制一月卽起視事李學禮所請應不允行得旨漢軍官員父母至任所物故者如不允離任守制則返柩無期難以寄厝外省李學禮著離任守制

以後漢軍俱照此例行且孝道至重三年之喪內外臣民共之獨將滿洲漢軍官限以月日者特因任內職事不宜遲誤故定此制原未禁其在家守制三年也舊典具在爾部何不明晰言之○丁卯禮部題今歲安南國黎維禧例當進貢所受僞永厯敕印屢諭繳送遲久未至始稱無繳送之例今復欲委官臨關當面銷毀殊非尊奉天朝之禮請敕廣西督撫移文再行曉諭速將僞敕印送京准其入貢否則絕其來使從之○庚午以平廣東碣石衛逆賊蘇利功增給平南王尙可喜俸銀一千兩○予故福建總督李率秦祭葬諡忠襄○是月免湖廣沔陽等十一縣衛河南虞城等三縣去年被災額賦有差

三月辛卯予故原任戶部尙書覺羅郎達祭葬○丙申以盧崇俊爲河道總督

原任廣東總督

○己亥予故原任江南江西總督馬鳴佩祭



葬○辛丑都統貝子溫齊等查勘各旗沙壓水淹不堪耕種之地  
內鑲黃旗地尤不堪其餘各旗有一半可耕者亦閒有過半不堪  
與全不堪者分別具疏覆奏輔臣等稱旨 太祖 太宗時原將  
八旗左右翼莊田房屋俱從頭挨次分給後因睿親王到京欲住  
永平府留賸周圍地土未圈且欲令伊本旗切近故將鑲黃旗應  
住地方與正白旗而給鑲黃旗於右翼之末今各旗以地土不堪  
具控據都統等踏勘回奏鑲黃旗不堪尤甚如換給地畝別旗分  
已立界截圈不便更易惟永平府周圍地畝未經圈出應令鑲黃  
旗移住且 世祖章皇帝旨亦云凡事俱遵 太祖 太宗例行  
今思莊田房屋應照翼給與將鑲黃旗移於左翼仍從頭挨次撥  
給至各旗不堪地畝作何分別圈占之地作何補還鑲黃旗移出  
舊地作何料理著戶部一併酌議○丙午喀爾喀台吉滾布什希

等率領四部落共五百九十人來歸

夏四月癸丑予故河道總督朱之錫祭葬○丙辰命雲南舉行武鄉試○戶部議覆入旗圈換地土一事以兩議請旨一議鑲黃旗近圈順義密雲懷柔平谷四縣之地毋庸撥換外其在右翼之涿州雄縣大城新安河閒任邱肅甯容城等處地應照舊例從頭挨次撥換將正白旗通州三河迤東大路北邊至豐潤縣地永平府周圍留贖地撥給鑲黃旗如不敷將遵化至永平路北夾空民地圈給其正白旗所撤通州迤東之地亦應於永平周圍地內撥補不敷將北路夾空民地灤州樂亭縣民地圈給至二旗包衣佐領下壯丁應否遷移伏候上裁再六旗地畝內除一半可耕一半不堪者不准撥換外其過半不堪與全不堪者應將各旗圈內空地或退回地畝酌量撥換俱俟秋成後差員丈量分撥一議鑲黃

旗既有順義等四縣地應將所移涿州壯丁卽於順義等處民地  
圈給其河間等七縣所移壯丁應將正白旗薊州遵化州地撥給  
不敷將夾空民地圈給其通州三河玉田豐潤等處地仍留正白  
旗餘照前議奏入輔臣等稱旨鑲黃旗涿州壯丁移於順義等縣  
依後議其前議將正白旗通州迤東大路北邊給鑲黃旗南邊留  
於正白旗之處俟秋收後差員將正白旗滿洲地投充人地皇莊  
地丈量明白取其實數酌議分撥餘俱俟鑲黃旗遷移事竣具題  
請旨○吏部左侍郎吳達禮以病乞休允之○戊辰轉羅敏爲吏  
部左侍郎以常額爲吏部右侍郎由內宏文院學士遷○乙亥工部奏文  
廟器物皆刊刻前明年號應請改造得旨壇廟舊用琴鐘等件俱  
不必換造俟其損壞補造時寫本朝年號○是月免浙江仁和等  
八縣湖廣蘄州等十一州縣衛去年被災額賦有差

五月壬午命貴州省舉行武鄉試○己丑以何毓秀爲山東按察

使

由雲南參政道遷

○乙未敕諭安南國黎維禧曰自爾父抒誠進貢以

來朕遣使錫賚恩禮有加茲海寇楊二楊三黃明標等久通天誅在爾亦應同讐近兩廣督臣盧興祖奏至云此數賊並洗彪妻子等俱藏匿爾所屬海牙州官潘輔國處一切船隻器用皆其資給曾差官往索乃閉柵開礮若敵國然朕覽之殊爲駭異念係邊吏所爲或爾未與知今特此敕諭爾其祇遵卽察出楊二楊三黃明標併其家口及洗彪妻子等解送兩廣督臣處交收且察處潘輔國助逆抗拒情罪如不將賊犯拏解不處分爾之屬官恐生兵端爾其籌之特諭○壬寅以章雲鷺爲兵部督捕右侍郎

由內祕書院學士遷

道金印一顆

上嘉之封黎維禧爲安南國王遣內國史院侍讀

學士程芳朝爲冊封正使禮部郎中張易賁爲副使○以直隸河間任邱獻縣饑給廩賑之○丙午予故原任內國史院大學士党崇雅祭葬○命定南王孔有德壻孫延齡爲廣西將軍○丁未命直隸各省督撫查禁離任官員不得逗留原任地方○是月免懷遠堡綏德州威武清平衛去年被災額賦

六月庚戌朔日有食之○免江甯上元等衛節年未完黃快丁銀○己未增六科滿漢給事中各一○甲子工部尙書傅維麟以病乞假命回籍調理○丁卯定陵寢掌關防官爲正四品○辛未停崇文門監督出京貨物稅○壬申予故原任兵部督捕右侍郎楊時薦祭葬○癸酉以郝惟訥爲工部尙書

山左都御史遷

○甲戌以四

川省應試武生數不滿百停止本科武鄉試

秋七月庚辰朔以朱之弼爲左都御史

由吏部左侍郎遷

○壬午兵部議

覆廣東巡撫王來任奏粵東盜賊竊伏兵臨其地輒稱盡行剿洗  
容有捕獲或稱負傷難行或報已經斬首從未有解審者且善惡  
雜處未必盡皆附盜請嚴救官兵俘獲賊犯務必解審以便根究  
餘孽亦須分別善惡毋得妄害良民應如所奏嗣後如有官兵借  
名剿賊妄殺良民該督提查取該管各官職名題參不得徇庇從  
之○甲申兵部議覆廣東巡撫王來任奏粵東州縣因官兵防剿  
往來濫派民夫折徵銀兩又有棍徒假冒營旗串同蠹役私出牌  
票勒索銀兩恣行逼辱深爲民害請永行禁革應如所奏嚴飭督  
撫指名題參如督撫徇隱一併議處從之○乙酉敘助剿土酋祿  
尙賢功授雲南阿迷州土目李阿側爲阿迷州土知州准其世襲  
○兵部議覆廣東巡撫王來任奏粵東武職各官借名軍需發銀  
州縣採買穀米稻草牛角梢箭竹木炭等項所發之價十僅四五

州縣不敢動其分文照數繳還穀米等項俱派里排備完仍用民  
夫民船裝運交納所差員役勒索供應稍遲鞭責小民日見朘削  
請迪飭永禁應如所請得旨著該撫指名參奏○戊子刑部議覆  
廣東巡撫王來任奏誣盜爲粵民大害應如所請以後有司獲盜  
卽時審究不許遲延營汛獲盜取具口供卽送有司不許私行訊  
拷所供夥盜不許任寫譯名以滋影射如有蒙混諸弊督撫指名  
題參從之○己丑以李登第爲湖南按察使

由山東兗東  
參政道遷

○辛卯

裁廣東韶州高州二府同知市舶提舉司廣州府遞運所大使布  
政使司廣豐庫副使化州州同海豐饒平吳川靈山澄邁文昌臨  
高七縣縣丞廣州肇慶二府照磨○壬辰浙江總督趙廷臣奏海  
逆鄭錦下僞都督李順率僞官兵船投誠命授都督同知銜○辛  
丑改廣西安隆長官司爲西隆州上林長官司爲西林縣隸思恩

府○丙午予故原任河道總督楊方興祭葬○丁未調宜滿爲左都御史以對喀納爲刑部尙書由左侍郎調○平西王吳三桂奏都統吳應麒總兵官馬甯等進剿烏撒女酋隴氏陣斬助逆之郎岱土酋隴安藩及水西土目阿豆等下部察敘

八月己酉朔給事中張維赤奏伏念 世祖章皇帝於順治八年親政年登一十四歲今 皇上卽位六年齒正相符乞擇吉親政

報聞○壬子厄魯特顧實汗幼弟之子伊斯丹津爲其兄弟所迫棄妻子來歸封爲多羅郡王○乙卯予故左都御史覺羅雅布蘭

祭葬○丁巳轉勒德洪爲刑部左侍郎以麻勒吉爲刑部右侍郎

由內閣書院學士遷○禮部議給定南王孔有德女孔四貞執事得旨定南

王爲國捐軀又復絕嗣奉 世祖章皇帝旨將伊女照郡主品級給俸今又令往廣西駐防其執事依議准給後不爲例○庚午平



西王吳三桂奏滇東諸酋削平臣議改設流官建置開化一府永定一州開化府請設知府同知經歷教授各一永定州設知州州判吏目學正各一下部議行○甲戌禮部尚書沙澄丁母憂命回籍守制

九月己卯轉石申爲刑部左侍郎以蔡毓榮爲刑部右侍郎由內院學士遷

○丁亥調梁清標爲禮部尚書由兵部調○庚寅予故內祕書院

大學士范文程祭葬諡文肅○辛卯貴州巡撫羅繪錦奏黔省開

闢今方九載漢少苗多人民生聚未久請暫免丈量俟百姓復業

荒地開墾再行清丈下部議行○改烏撒土府爲威甯府隸貴州

省轄○癸巳 上幸南苑行圍○兵部議覆廣東鎮海將軍王國

光奏海賊駕船七十餘隻突犯甲子所港口總兵官許龍敗之其

水師提督常進功等因修造船隻未及追擊分別降罰得旨甲子

所港口係極內之地七十餘賊船直入提督常進功等假託修船不親領官兵剿滅爾部見議浙江提督總兵官見海內賊船四隻不親領兵追趕俱降二級今以七十餘隻之賊船直入內地不行剿滅止議提督罰俸一年總兵降職一級爾部所議輕重任意顛倒徇情殊爲不合其常進功等議罪尙輕著另議尋降常進功二級照舊管事張國勳降二級調用○丙申調龔鼎孳爲兵部尙書由刑部調○癸卯 上還宮○甲辰調郝惟訥爲刑部尙書由工部調○是月免安陽等四縣水災額賦

冬十月庚戌吏部議陝西定羌廟地方土賊抗拒官兵傷斃甚多

總督白如梅隱諱不報應革職得旨白如梅著留太子少保革去

總督○壬子以朱之弼爲工部尙書由左都御史遷○吏部議覆御史顧

如華奏升補主事將行人司司副內院典籍辦事中書兵馬司指

揮光祿寺署正鑾儀衛經歷國子監博士助教八項官與知縣爲一班大理評事太常寺博士中書科中書行人司行人內院撰文中書順天奉天府推官通政使司經歷上林苑監丞國子監丞九項爲一班分推補用從之○丙辰廣東廣西總督盧興祖奏粵西土司俗無禮義尙格鬪爭替襲連年不解夫更化善俗莫先於學校請令各土司子弟願習經書者許在附近府縣考試文義通達每縣額取二名俾感於忠孝禮義則爭鬪之風日息下部議行○戊辰戶部議覆漕運總督林起龍奏江南蘇松常三府浙江嘉湖二府白糧折徵每石二兩今民間穀價止七八錢民力不堪請改徵本色應不准行得旨白糧改折旣稱苦民俱著徵本色○己巳兵部奏撰給敕書惟提督總兵官仍照督撫例坐名撰給副參等官應照布按各道例不必坐名俱用傳敕從之○辛未兵部奏

雲貴二省武職員缺臣部推升之後本官未經到任隨經平西王吳三桂另題有人以致部推之官中途往返似屬苦累請照吏部例將此二省武職員缺悉聽該藩題補如無可補之人該藩題明臣部再行推升從之○是月免安徽泗州等三州縣水災額賦

十一月丁丑朔以王熙爲左都御史

由禮部左侍郎遷

○福建巡撫許世

昌以病乞休命以原官致仕○己卯以苗澄爲四川總督

原任直隸總督

○癸未以劉秉政爲福建巡撫

原任甯夏巡撫

○丁亥以湖廣黎平府改

隸貴州省○戊子以羅森爲浙江按察使

由江南巡驛道遷

○辛卯轉黃

機爲禮部左侍郎以董安國爲禮部右侍郎

由左副都御史遷

○調盧崇

峻爲山西陝西總督

由河道總督調

○丙申直隸山東河南總督朱昌祚

奏鑲黃正白兩旗撥換地土一事奉差大學士管戶部尚書事蘇納海侍郎雷虎會同臣與巡撫王登聯酌議圈換臣等履畝圈丈

將及一月而兩旗官丁較量肥瘠相持不決且舊撥房地垂二十  
年今換給新地未必盡勝於舊口雖不言實不無安土重遷之意  
至被圍夾空民地百姓環懇失業尤有不忍見聞者若果出自  
廟謨臣何敢越職陳奏但目覩旗民交困之狀不敢不據實上聞  
仰祈斷自宸衷卽諭停止直隸巡撫王登聯奏旗民皆不願圈  
換自聞命後旗地待換民地待圈皆拋棄不耕荒涼極目亟請停  
止疏入輔臣等稱旨總督巡撫俱各有專任職掌這地土事但應  
照所委料理將已定之事越行干預紛更具奏事屬重大著吏兵  
二部會同議處具奏輔臣等又稱旨諭吏部兵部鑲黃旗戶部官  
員旗下官員差出換地俱已回來戶部尙書蘇納海等帶如許官  
員一月有餘尙未給地官員擅自回來何不奏明爾二部速差人  
去將鑲黃旗換地去的副都統三員禁守尙書蘇納海拏來禁守

總督朱昌祚巡撫王登聯擊來爾二部議奏圈換地土事情著侍

郎巴格前去○己亥以宋徵輿爲左副都御史

由宗人府  
府丞遷

○以楊

茂勳爲河道總督

原任貴  
州總督

○是月免浙江甯海等五縣湖廣江夏

等十二縣衛江西甯州等三十五州縣被災額賦有差

十二月庚申吏部兵部議覆大學士管戶部尚書事蘇納海係專

差圈換地土之大臣乃不分違章京等速行辦理故稱屯地難於

丈量鑲黃旗章京不肯受地正白旗包衣佐領下人不肯指出地

界俱不卽指明題奏又因督撫等題奏請停圈換觀望遲誤不盡

心於奉旨責成之事應革職交刑部議總督朱昌祚巡撫王登聯

將奉旨已定之事不欽遵辦理妄行紛更具題亦應革職交刑部

議郎中鄂莫惠等俱降四級調用副都統巴喀喇哈祖良棟係領

地大臣見蘇納海給地遲誤不催令速給俱降三級留任阿思哈

尼哈番達賴等擅自回京俱罰俸一年不許丈量屯地之筆帖式  
撥什庫等交刑部議處輔臣等稱旨蘇納海朱昌祚王登聯俱著  
革職交與刑部議巴喀喇哈祖良棟俱革職鄂莫惠等俱降一級  
留任旗下各章京俱免罰餘依議○癸亥設四川桐梓綏陽仁懷  
三縣學訓導各一○甲子以馬希納爲戶部尙書

由兵部督捕  
左侍郎遷

○

丙寅刑部議奏蘇納海撥地遲誤朱昌祚王登聯紛更妄奏事屬  
重大查律無正條蘇納海朱昌祚王登聯俱不准折贖鞭一百除  
伊弟外家產籍沒照兵丁留給財產其不許丈量屯地之筆帖式  
撥什庫等俱鞭一百疏入 上知鰲拜以蘇納海始終不阿其意  
朱昌祚王登聯奏旗民不願圈換地畝堅守不移阻撓其意必欲  
置之於死特召輔臣等賜坐詢問鰲拜索尼遏必隆堅奏蘇納海  
等應置重典獨蘇克薩哈不對 上終未允所奏鰲拜等出稱旨

蘇納海若有意見卽應陳奏既奉差撥地種種奸巧不願遷移遲延藐旨朱昌祚王登聯身爲總督巡撫各有專任職掌撥地事不照所委料理妄行具奏又將奏疏與蘇納海看且疏內不止言民間困苦將旗下不願遷移之處一併具題情罪俱屬重大蘇納海朱昌祚王登聯俱著卽處絞其家產免籍沒餘依議○戊辰輔臣熬拜等以原任戶部尙書英武爾代係蘇納海族人追論其罪稱旨諭吏部戶部 太宗文皇帝因英武爾代辦事勤敏擢爲大臣配以王女授爲多羅額駙迨 太宗文皇帝上賓之時諸臣議因皇考幼冲令鄭王睿王輔政及遷都京城睿王竟不令鄭王預事任意妄行英武爾代將庫內銀自行專主蓋造宮殿草率完工爲伊王蓋造房屋反將庫銀費用不貲與之相好者卽令升官富足其不相好者卽行處分降調伊身無大功授爲一等公爵將給



與鑲黃旗之地乃取給正白旗又將鑲黃旗置於右翼種種欺上罪過甚多議處睿王之時止將英武爾代革去公爵仍留精奇尼哈番此係叛附睿王之譚泰石漢爲之也今將鑲黃旗之地仍令歸鑲黃旗正白旗地畝所應得之處委令撥給蘇納海藐旨不行撥地是正白旗又出一英武爾代此皆由於英武爾代獨專朝政縱意而行之故英武爾代若在應行正法因其已故將官職盡行革去從前所給蒙古投充漢人俱著取出蒙古交與該衙門分撥投充漢人令其爲民投充漢人地畝著察地畝不足之旗分撥給

○己巳戶部議覆奉差撥地侍郎巴格等奏鑲黃旗遷移壯丁共四萬六百名該地二十萬三千晌將薊州遵化遷安三處正白旗壯丁分內地民地開墾地多出地投充漢人地派給不敷將延慶州民地撥補其正白旗遷移壯丁二萬二千三百六十一名該地

十一萬一千八百五晌將玉田豐潤二處民地多出地開墾地投充漢人地並永平等處投充漢人地派給不敷將永平灤州樂亭開平民地酌量取撥從之○辛未予故原任禮部侍郎呂崇烈祭葬○是月免邳州等五州縣被災額賦有差○是歲朝鮮琉球來貢○人丁戶口一千九百三十五萬三千一百三十四田地山蕩畦地五百三十九萬五千二百六十二頃二十六畝徵銀二千五百八十三萬八千四百二十二兩有奇米豆麥六百一十六萬一千三百二十七石二斗有奇草二百三十萬二千七百六十束茶十六萬五千六百八十五引行鹽四百三十二萬九千三百四十七引徵課銀二百七十五萬八千八百八十六兩有奇鑄錢二萬九千五百八十七萬九千八百有奇

東華錄

康熙七

臣王先謙敬編

臣周潤蕃恭校

康熙六年丁未春正月己卯以額赫里爲兵部督捕侍郎

由左副都御史

○以白秉真爲直隸山東河南總督

原任山西總督

○予故四川總督

李國英祭葬諡勤寔○壬午以內大臣巴哈子訥爾杜尙和碩公

主授爲和碩額駙○丙戌以甘文焜爲直隸巡撫

由順天府尹遷

○己

丑封世祖章皇帝第二子福全爲和碩裕親王○辛卯以常胤

爲禮部右侍郎

由大理寺卿遷

○壬辰以楊駿爲廣西按察使

由浙江溫處道遷

○丁酉上幸南苑行圍○乙巳上還宮○調明安達禮爲吏

部尙書

由兵部調

○以莫洛爲左副都御史

由郎中遷

○喀爾喀色冷墨根

台吉率所屬來歸封爲多羅貝勒○是月免安徽五河等四縣衛

東華錄

康熙七

去年被災額賦

二月丁未湖廣西山投誠副將李有賓奉差招撫逆賊李來亨被拘不屈身死贈都督同知予祭葬○己酉平西王吳三桂奏左都統吳應麒總兵官馬甯等進勦烏撒生擒女酋隴氏及逆黨萬餘蠻疆復定下部知之○乙卯戶部奏各處撥換地土將完餘贖房地應交地方官辦糧此後各旗有具呈請撥換者槩行禁止從之○癸亥諭宗人府巽親王滿達海端重親王博洛敬謹親王尼堪因諂媚迎合睿親王革去親王授爲貝勒給與之物全行追奪時世祖章皇帝念宗室王等從來無陣亡者惟敬謹親王尼堪陣亡將其子尼思哈所襲親王仍留止將給與之物追奪其親王仍准承襲或不准承襲未經奉旨後尼思哈身故減其親王其兄蘭布承襲貝勒今思尼堪以宗室親王陣亡殊屬可憫 世祖章皇

帝復嘗矜念仍留所襲王爵又無不從承襲之旨因此將貝勒蘭

布封爲郡王爾衙門卽遵諭行○丁卯以班布爾善爲內祕書院

大學士

輔國公  
內大臣

圖海爲內宏文院大學士

由都  
統遷

○宗人府題貝勒

蘭布封爲郡王查實錄定例凡王薨逝子男承襲王爵仍稱伊父  
之號其父另與諡號和碩敬謹親王薨後其男尼思哈仍與其父

之號今郡王蘭布或仍與原號或另行與號伏乞 上裁得旨著

仍與原號○戊辰以阿思哈爲兵部尙書

由都  
統遷

○免浙江處州府

屬荒地賦仍招徠開墾○庚午設貴州威甯鎮○癸酉吏部遵旨

議覆各部院官員品級照順治十四年以前定例滿洲尙書左都

御史爲一品左右侍郎通政使大理寺卿爲二品太僕寺卿光祿

寺卿通政使司右通政大理寺少卿鴻臚寺卿宗人府啓心郎欽

天監監正爲三品國子監祭酒太僕寺少卿光祿寺少卿通政使

司參議鴻臚寺少卿欽天監監副爲四品國子監司業都察院都  
事通政使司知事大理寺寺正評事太常寺寺丞光祿寺署正鴻  
臚寺鳴贊禮部讀祝官爲五品內院典籍都察院經歷通政使司  
經歷太常寺博士光祿寺署丞典簿各部院司務禮部司牲官各  
部院司庫爲六品國子監監丞助教爲七品都察院滿洲監察御  
史十二員內六員爲三品六員爲四品京畿道巡視五城監察御  
史爲四品內院滿洲漢軍筆帖式等一半爲他赤哈哈番一半爲  
筆帖式哈番漢軍侍郎學士爲二品通政使司右通政大理寺少  
卿侍讀學士各部郎中爲三品光祿寺少卿宗人府啓心郎通政  
使司參議監察御史京畿道巡視五城監察御史各部員外郎爲  
四品各部主事通政使司知事大理寺寺正評事爲五品內院典  
籍太常寺博士爲六品從之○是月免江南桃源等二縣湖廣西

陽巴陵等二十一州縣衛所去年被災額賦有差

三月辛巳京察各部院自陳官吏部尚書祁徹白梁清標刑部左侍郎石申俱革職刑部左侍郎勒德洪隨旗行走工部尚書葉成額戶部右侍郎巴格兵部左侍郎石圖右侍郎圖爾泰工部右侍郎杭艾內宏文院學士王之科俱降三級隨旗行走左副都御史覺羅碩博會降二級隨旗行走○甲申以李士楨爲河南按察使

由江西湖東道遷

○乙酉調阿思哈爲吏部尚書

由兵部調

○以覺羅外庫爲

禮部尚書

由副都統遷

鳴楮哈爲兵部尚書

由都統遷

馬邇賽爲工部尚書

由副都統遷

泰璧圖爲吏部右侍郎

由副都統遷

○調羅敏爲兵部左侍郎

由吏部調

○以薩爾圖爲戶部右侍郎邁音達爲兵部右侍郎阿哈碩

塞爲刑部右侍郎羅多爲工部右侍郎

俱由郎中遷

○丁亥以黃機爲

禮部尚書

由左侍郎遷

○轉蔡毓榮爲刑部左侍郎以王清爲刑部右

侍郎

由宏文院  
學士遷

○以納布爲左副都御史

由郎中遷

○丙申轉董安國

爲禮部左侍郎以曹申吉爲禮部右侍郎

由大理寺卿遷

○以祖澤溥爲

福建總督

原任山東總督

○己亥賜繆彤等一百五十五名進士及第出

身有差○是月免陝甘蘭州岐山縣去年被災額賦十之三

夏四月丙午戶部議覆海上投誠鄭世襲奏請給還伊父鄭芝龍原產查此係已經入官估價變賣之產不便准給得旨此項田產仍著給與鄭世襲○戊申諭吏部國家諸務內則責成部院外則責成督撫前爾部題覆御史甯爾講督撫章奏日繁一疏會有諭旨令內外各衙門將一應事務詳明具題速行完結近見仍沿故習凡具題之事累次駁查者甚多督撫所理事務錢穀則有一定分數盜賊刑名則有一定律例若詳明具題何至反覆若此皆由督撫草率蒙混希圖完結之故至於部院將督撫具題可結之事



不肯卽結或明知其蒙混不卽參處遷延駁查以致事務繁多嗣後<sup>以</sup>撫如將諸事不行明晰蒙混具題部院卽題參嚴加處分部院將可結之事不肯卽結復遷延駁查定行嚴處爾部卽通行申飭○己酉建甯古塔木城○戊午原任鳳陽巡撫張尙賢循例自陳以年老令原品致仕○庚申增設六部四十五司滿主事各一○辛酉左都御史尼滿奏頃者流徙甯古塔尙陽堡犯人許自認修造城樓及部院衙門釋所犯之罪此等犯人家產先已籍沒入官計修工之費不啻數萬金何自而得一經奉旨回籍視稍贍之家挾詐徧勒致良民受害嗣後有認工贖罪者請槩行停止從之○甲子江南奸民沈天甫呂中夏麟奇等撰逆詩二卷詭稱黃尊素等百七十人作陳濟生編集故明大學士吳姓等六人爲之序沈天甫使夏麟奇詣吳姓之子中書吳元萊所詐索財物吳元萊

察其書非父手蹟控於巡城御史以聞 上以奸民誑稱謀叛誣  
陷平人大干法紀下所司嚴鞫沈天甫等皆棄市其被誣者悉置  
不問○戊辰定入旗滿郎中員數宗人府四吏部八戶部十八禮  
部六兵部十二刑部十四工部十四督捕一凡七十七缺鑲黃旗  
正黃旗鑲白旗各十缺鑲紅旗正藍旗鑲藍旗各九缺○己巳吏  
部議准御史田六善奏卓異之員宜以清廉爲首列若非潔己愛  
民不得濫叨大典應請督撫開報卓異先論守次論才凡司道以  
下推官以上必開某官不派節禮不索小送不借端詐官不生事  
擾眾知府以下知縣以上必開某官不派雜差不重火耗不虧捐  
行戶不强貸富民卽以清吏之有無定督撫之賢否從之○庚午  
刑部議覆御史田六善奏近見奸民捏成莫大之詞逞其詐害之  
術在南方者不曰通海則曰逆書在北方者不曰于七賊黨則曰

逃人謂非此則不足以上聳 天聽下怖小民臣請敕下督撫以  
後如有首告實係謀反逃人等事卽與審理情實者據事奏聞情  
虛者依律反坐毋得借端生事株累無辜如奸民不候督撫審結  
徑來叩闈者依光棍律治罪查定例不俟原問官審結徑行叩闈  
者旗人枷號兩月鞭一百係民責四十板流三千里相應照此例  
行從之○癸酉諭吏部輔政大臣伯索尼在 太祖高皇帝時授  
爲內秘書院黽勉効力在 太宗文皇帝時任以內外大事悉能  
果斷殫厥忠誠及 太宗文皇帝賓天時重念 皇祖恩遇堅持  
忠貞之心不惜性命克勤皇家在 世祖章皇帝時亦任以內外  
大事竭盡純篤 世祖章皇帝賓天時以其勳舊大臣夙秉忠貞  
堪受重託 遺詔俾令輔政恪遵 顧命畢殫忠忱夙夜靖共厥  
職今身旣染疴且復年邁宜加恩寵以示酬庸之典著議政王貝

勒大臣九卿科道會同酌議具奏尋議索尼於所有一等伯外應授爲一等公得旨索尼歷事累朝畢殫忠忱遵奉 遺詔輔理政務懋著勞績深爲可嘉著於所有一等伯外授爲一等公○是月免甘肅鎮原縣去年被災額賦

閏四月己卯轉曹國柄爲兵部左侍郎以劉鴻儒爲兵部右侍郎

由通政使遷

○以羅森爲陝西右布政使

由浙江按察使遷

李本晟爲浙江右

布政使

由雲南按察使遷

閻廷謨爲湖北按察使

由山東濟南道遷

五月丙午諭吏部等衙門民爲邦本必使家給人足安生樂業方可稱太平之治近聞直隸各省民多失所疾苦顛連深可憫念或係官吏貪酷朘削窮黎抑或法制未便致民失業果何道以遂其生耶一切民生利病應行應革爾內外各衙門大小文武等官念切民依其各抒所見毋隱○已酉兵部遵旨議覆海澄公黃梧歸

順之後攻剿招撫著有勞績所得公爵應准其襲替得旨海澄公黃梧投誠之後攻取閩安鎮克復廈門招撫投誠兵丁實心效力屢著勞績著授爲一等公准襲十二次○庚戌以屈盡美爲漕運總督原任廣西總督○庚申荷蘭國噶嘍吧王油煩嗎綏極遣使入貢○

辛酉平西王吳三桂以目疾求解雲貴兩省事務得旨王久鎮巖疆總理兩省勦勞茂著倚毗方殷覽奏知兩目昏瞶精力日銷皆因事繁過瘁深軫朕懷雲貴兩省事務應作何管理著該部議奏尋議吳三桂以目疾辭兩省事務已奉俞旨應將該藩所管各項事務照各省例責令該督撫管理其大小文官亦照各省例由臣部題授從之○是月免甘肅會甯吳堡等縣被災額賦有差六月甲戌朔內宏文院侍讀熊賜履奏臣備員侍從遇 皇上虛

己求言不敢摭拾浮詞以混

宸聽謹因

聖諭所及而推本言

之伏讀詔書曰今聞直隸各省人民疾苦困窮深可憫念或因官吏朘削或因法制未便此真二帝三王之用心也但國家日言生聚而凋敝愈甚日言軫恤而瘡痍不起日言招集言蠲免而流離殫尾之狀不可勝言邈厥由來誠有如 聖諭所云者蓋小民終歲勤勞僅給俯仰之資而夏稅秋糧朝催暮督私派倍於官徵雜項浮於正額設一旦水旱頻仍饑饉見告蠲賦則吏收其實而民受其名賑濟則官增其肥而民重其瘠此不獨守令之過也上之則監司又上之有督撫有司之職業在地方上官之激勸在舉劾伏乞 皇上將見任督撫大加甄別賢能者加銜久任貪污不肖者立賜罷斥毋令久居民上嗣後督撫缺出不拘內外臣工果有端方清正望重才優者敕部院大臣從公保舉授以茲任其考課也以民生之苦樂爲守令之賢否以守令之貪廉爲督撫之優劣

則廉者以勸貪者以懲有利必興有害必除而民之不得所者寡矣此 聖諭所已及而臣詳切言之者也雖然內臣者外臣之表也京師者四方之倡也本原之地亦在乎朝廷而已臣請擇其重且大者言之一日政事紛更而法制未定我國家章程法度其間有積重難反者不聞略加整頓而急功喜事之人又從而意爲更變但知趨目前尺寸之利以便其私而不知無窮之弊已潛倚暗伏於其中朝舉夕罷以致盈廷聚訟甲令游移此時事之最急者也伏乞 皇上敕下議政王貝勒大臣九卿科道將國家制度詳慎會議凡沿革損益參以古制酌以時宜勒成會典頒示天下則上有道揆下有法守垂裕無疆之業在此矣一日職業隳廢而士氣日靡國家之設官也滿漢相制堂屬相維正欲其同寅協恭俾責無他卸近見各衙門大小臣工大率緘默依阿絕少實心任事

之人甚至託老成慎重之名以濟尸位素餐之計樹議者謂之疏狂任事者目爲躁競廉靜者斥爲矯情端方者笑爲迂腐間有修身體道讀書窮理之士則羣指爲道學而非笑之百計抵排必禁錮其終身而後已伏乞 皇上立振頽風作養士氣申飭滿漢諸臣虛衷酌理實意任事是則曰是非則曰非漢官勿以阿附滿官爲工堂官勿以偏任司官爲計宰執盡心論思而不必以唯諾爲休容臺諫極力糾繩而不必以鉗結爲將順則職業修舉官箴整肅矣一日學校廢弛而文教日衰學校爲賢才之藪教化之基而學術事功之根柢也今庠序之教缺焉不講師道不立經訓不明士子惟揣摩舉業以爲取科名之具罔不知讀書講學以求聖賢理道之歸其高名者又或泛濫百家沈淪二氏惑世誣民莫此爲甚伏乞 皇上隆重師儒興起學校畿輔則責成學院各省則責



成學道使之統率士子講明正學非六經語孟之書不讀非濂洛  
關閩之學不講敦崇實行扶持正教命府州縣擇士子中志趣端  
卓英俊可造者各舉一二人貢之國雍寬其館舍厚其廩餼又於  
廷臣中擇道德高劭之人俾司成均日進諸生而陶淑之其道必  
本於人倫達乎天德其教自灑埽應對以至於義精仁熟漸摩誘  
掖循循有序三載之後學成材就司成次其優劣彙送吏部量其  
材之大小學之淺深而授之秩其公卿大夫之子弟亦如之至於  
山林隱逸之士有經明行修德業完備者仍請敕下地方官悉心  
諮訪據實奏聞朝廷優禮延聘加意褒崇以爲士習人心之勸則  
道術以正學術以明教化大行人材日盛其有補於國家也甯淺  
鮮哉一日風俗僭侈而禮制日廢禮者聖王所以節性防淫而維  
繫人心者也臣觀今日風俗奢侈陵越不可殫述一裘而費中人

之產一寡而糜終歲之需輿隸披貴介之衣倡優擬命婦之飾此  
飢之本寒之源而盜賊獄訟所由起也然禮教之行自貴近始伏  
乞 皇上躬行節儉爲天下先自王公以及士庶凡宮室車馬衣  
服僕從一切器用之屬俱立定經制限以成數頒示天下俾恪爲  
遵守不許少有踰越久之儉德日彰貪風日息民俗醇而人心厚  
幾於敦龐之治不難矣雖然 皇躬者又萬幾所受裁而萬化所  
從出也我 皇上神明天縱睿哲性成今春秋方富薰陶德性端  
在此時伏乞慎選耆儒碩德置之左右優以保衡之任使之從容  
閒讌講論道理啓沃 宸衷涵養 聖德又妙選天下英俊陪侍  
法從以備顧問毋徒事講幄虛文若夫大學衍義一書敘千聖之  
心傳備百王之治統伏願 皇上朝夕講貫證諸六經之文通諸  
歷代之史以爲敷政出治之本至於左右近習必端厥選內而深

宮燕閒外而大廷廣眾微而起居言動凡所以維持此身者無所不備防閑此心者無所不周則君志清明君身強固坐收體乾行健之成功是 皇上直接二帝三王相傳之心法自有以措斯世斯民於唐虞三代之盛又何吏治不清民生不遂之足慮哉此又 聖諭所未及而臣推本言之者也疏入報聞○己卯予故原任禮部侍郎李煥棠祭葬○順天府府尹李天浴奏徵收錢糧民不苦於正額之有定而苦於雜派之無窮查賦役全書夏有稅秋有糧請夏稅定於五六兩月徵收秋糧定於九十兩月徵收戶部議恐於軍餉有誤應不准行得旨此徵收錢糧著照李天浴所奏夏稅定於五月六月秋糧定於九月十月○辛巳議政王等遵諭議覆各省督撫不論滿洲漢軍漢人應簡選賢能推用至於提督總兵官係防守地方亦應不論滿洲漢軍漢人簡選賢能推用得旨

布政使按察使管通省錢穀刑名今用滿洲督撫之省亦應用滿

洲藩臬著再議以聞○乙酉以于際清爲山西左布政使原任廣東

政于朋舉爲湖廣右布政使原任山東○丙申于故輔政大臣一右布政使

等公索尼祭葬諡文忠加賜鞍馬二匹銀二千兩仍加祭四次○

丁酉廣東巡撫王來任請免粵東無徵雜稅四千有奇以甦民困

部議不准 上特允之○己亥于故原任禮部侍郎薛所蘊祭葬

○是月免山西繁峙陝西涇陽淳化等五州縣衛被災額賦有差

秋七月甲辰戶部等衙門議覆左都御史王熙請禁官員貿易之

害一疏嗣後王公以下文武大小各官家人強占關津要地不容

商民貿易者在原犯之地枷號三箇月係民責四十板旗人鞭一

百其縱容家人之藩王罰銀一萬兩公罰銀一千兩俱將管理家

務官革職將軍督撫以下文武各官俱革職兵民商賈假稱王公

文武各官之名照光棍例治罪貨物入官得旨有橫行欺壓者爲首之人照光棍例治罪餘依議○乙巳先是三月內輔政公索尼等奏請 皇上親政 上留中未發至是下旨曰朕年尚幼沖天下事務殷繁未能料理欲再俟數年輔政臣屢行陳奏朕再三未允輔政臣等奏云 世祖章皇帝亦於十四歲親政今主上年德相符天下事務總攬裕如懇切奏請朕乃率輔政臣往奏 太皇太后 太皇太后諭以帝尚幼沖如爾等俱謝政天下事何能獨理緩一二年再奏輔政臣等復奏主上躬親萬幾臣等仍行佐理 太皇太后俞允擇吉親政其吉期禮部選擇以聞○己酉 上親政御太和殿受賀詔加恩中外罪非殊死咸赦除之是日始御乾清門聽政嗣後日以爲常○癸丑諭吏部輔政臣蘇克薩哈邊必隆鰲拜於 皇考世祖章皇帝時任以大事純篤報效及 皇

考不豫以其勳舊大臣夙稟忠貞堪受重託 遺詔俾令輔政恪  
遵 顧命殫竭忠忱靖其厥職前因索尼年邁染疴已加官爵今  
朕躬理萬幾蘇克薩哈遏必隆熬拜亦應加恩以示酬庸之典議  
政王貝勒大臣九卿科道會同酌議以聞○添設理藩院四司主  
事各一○甲寅命武官照文官例一體引見○吏部奏議政王貝  
勒大臣九卿科道等會議裁官一疏應將河南等十一省俱留布  
政使各一員停左右布政使之名至江南陝西湖廣三省俱有布  
政使各二員駐紮各處分理亦應停其左右布政使之名照駐紮  
地名稱布政使其各省守巡道一百八員推官一百四十二員俱  
照議一併裁去得旨允行○乙卯太子太保內大臣蘇克薩哈奏  
臣才庸識淺蒙 先皇帝眷遇拔授大臣夙夜悚懼恐負大恩值  
先皇帝上賓之時惟願身殉以盡愚悃不意恭奉 遺詔臣名

列於輔臣之中臣分不獲死以蒙昧餘生勉竭心力冀圖報稱不幸一二年來身嬰重疾不能始終效力於 皇上之前此臣不可道之罪也茲遇 皇上躬親大政伏祈 睿鑒令臣往守 先皇帝陵寢如綫餘息得以生全則臣仰報 皇上綦育之微忱亦可以稍盡矣輔臣等稱旨爾等奉 皇考遺詔輔朕七載朕正欲酬爾等勤勞茲蘇克薩哈奏請守 陵如綫餘息得以生全不識有何逼迫之處在此何以不得生守 陵何以得生朕所不解著議政王貝勒大臣會議具奏○丁巳議政王等奏將蘇克薩哈及伊子孫並本旗人弟兄俱拏問輔臣等稱旨依議俱著拏問○己未康親王傑書等會議蘇克薩哈奏稱往守 陵寢如綫餘息得以生全等語蘇克薩哈係輔政大臣並無危殆之處在此何以不存伊命令往 陵寢伊命得生方歸政於 皇上伊卽欲往守 陵

寢豈非不願歸政之意罪一鰲拜遏必隆舉首蘇克薩哈前因  
皇上以弓輓加硬我等同蘇克薩哈三人看時蘇克薩哈云我們  
此人寡鬚瑣碎自作知識有賴塔庫塞本得及弓匠等證審問蘇  
克薩哈據供我並不會說但賴塔庫塞本得等既說是實我有何  
辨處據此恣意欺 主藐誹罪二蘇克薩哈將欺 主藐誹緣由  
既供賴塔庫塞本得等供稱是實有何辨處後又改供塞本得係  
鰲拜之姪塞本得說是實眾人自然供說是實等語伊將實情遮  
飾欲圖免罪巧供罪三賴塔庫供出蘇克薩哈會將 皇上所用  
值日之弓令人持至中和殿置放將弓拋擲伊今雖巧供日遠忘  
記但據賴塔庫供稱蘇克薩哈將所執之弓拋擲等語欺藐 皇  
上是實罪四鰲拜遏必隆等以 皇上親政之日將近商議啓奏  
應行事宜蘇克薩哈云未定誰是主持啓奏之人如何議得將公



議啓奏之事以爲不知豈非伊意不願罪五 皇上親政慶典頒布詔赦蘇克薩哈云必欲頒行應令議政王貝勒大臣九卿科道會議等語但詔赦乃 皇上密擬臨期頒行臣下豈可擅議此皆因不合其意不悅之言罪六 皇上因蘇克薩哈奏請守 陵之疏不解所謂遣米斯翰等往問伊稱 世祖皇帝卜地時蒙諭朕萬歲後爾等大臣之墓亦葬 陵寢近地爲善我卽叩謝若得如此幸甚今問又稱卜閱 陵地非我一人侍從會有索尼遏必隆我等三人一齊叩謝等語豈非伊目無同列大臣將諸臣共奉之旨捏稱一己奉命罪七蘇克薩哈供稱 世祖皇帝賓天時我曾許殉死 世祖皇帝諭云不知死事曷守主事難等語伊旣不能殉死又不念 先帝遺詔終其所守背負 遺詔奏請欲往 陵寢罪八蘇克薩哈供稱議立 皇上時諸臣在東間內我在 主

前恭送 御諱止我獨送其不令宮人殉死亦獨諭我一人其圖  
海授爲都統亦獨諭索尼一人等語今據鰲拜悞必隆供稱所奉  
各旨皆我等共奉者惟送 御諱止令伊送等語蘇克薩哈將四  
臣共奉之旨以爲伊身獨寵巧供自奉罪九恭送 世祖皇帝梓  
宮歸 陵鰲拜步行哭送四五里蘇克薩哈既後趕到理應步行  
哭送乃乘馬倚傍 梓宮哀哭不久卽回豈非背負 先帝之恩  
罪十蘇克薩哈雖供曾屢次奏過 太皇太后夕歸政於 皇上  
朝卽具疏懇往 陵寢居住等語但四臣盟誓凡欲奏事公同啓  
奏蘇克薩哈背誓言自行啓奏罪十一蘇克薩哈供去坐湯時打  
炕曾將無用之甄用了是實非係 陵上所用等語據原任郎中  
席特庫供 陵上所用之甄擊去茶房廚房並伊炕上用了是實  
輔臣擊去馬能禁阻等語蘇克薩哈以身爲輔臣將 陵上所用

之輒恣意取用罪十二蘇克薩哈供往盛京時因動土之期忙促  
不會恭謁 陵寢是實等語伊因深念 先帝方欲往守 陵寢  
今如何不謁豈非忘懷 先帝之處罪十三鰲拜遇必隆曾向蘇  
克薩哈云恐 御前有奸惡之輩暗害忠良我等應將 太祖  
太宗所行事例敷陳且 世祖遺詔亦令遵照 太祖 太宗例  
行數次差人向伊商議因所奏之事係塞奸惡顯忠良爲 主爲  
國之奏不合其意不肯列名罪十四詰問蘇克薩哈不肯列名之  
故據供我說教導 主子之處誰有意見各行陳奏何必會同列  
名等語及問往來商議之伊子查克旦又稱並無此言明係巧捏  
供稱罪十五鰲拜遇必隆差席哈納等向蘇克薩哈商議 皇上  
親政後所奏事件在何處批理伊不以 皇上親政爲喜乃云政  
務旣歸於 皇上宣召商議不必去二三次後止說與同事之人

商議等語豈非欺藐 皇上之言罪十六鰲拜遏必隆差席哈納

卓靈阿往問蘇克薩哈奉 太皇太后 皇上諭旨雖親政爾等

仍同輔理今言宣召不必去是何主意蘇克薩哈始認此處甚差

並未想到有席哈納卓靈阿等證蘇克薩哈後又改供 皇上御

旨來召又豈可不去我爲何出此言但席哈納係遏必隆三佐領

下人卓靈阿係遏必隆親家所以如此供說等語蘇克薩哈知所

言重大欲圖免罪巧供罪十七蘇克薩哈供稱將卓靈阿之弟選

取侍衛時輔政大臣索尼說此係紊亂朝政已經正法犯人之子

不宜選取侍衛曾與鰲拜相爭今年又將卓靈阿之兄白成額升

授等語但卓靈阿之父因問罪太過已蒙 世祖皇帝將伊等發

出包衣卓靈阿除授內院且蘇克薩哈亦將卓靈阿從內院取至

批本處所其白成額堪以效用所以升授如果升授不當蘇克薩

哈彼時不會卸政爲何不言而今乃追論 世祖皇帝時已結舊

案罪十八熬拜遏必隆供稱我們入奏時奉 上諭爾們忘記

太皇太后祖母召爾們輔理之旨麼我們回奏何敢忘記 皇上

若召在何處遵旨就在何處出來時差批本處岳石傅達禮將此

旨說知蘇克薩哈伊又捏稱岳石傅達禮會說下午進去清晨不

必進去等語據岳石傅達禮供熬拜遏必隆並不會說晚進早進

之處我們亦不會向蘇克薩哈說此言等語將無影之詞巧捏供

稱罪十九蘇克薩哈將毆打郎中代度已經革職之尼龔竟行復

用又將別旗那拉氏以同姓聯收蘇克薩哈奉 遺詔輔政而不

篤行爲政任意亂行罪二十蘇克薩哈奏稱始終不能盡報等語

初七日進表歸政 皇上特下諭旨酬勞加恩已經議奏又云何

處未盡豈非不能稱伊異心之處罪二十一蘇克薩哈奏稱欲往

陵寢特以索尼染病給職伊染病不會給職因而要請罪二十  
二蘇克薩哈將內院收貯故明洪武實錄擅專取回私家觀看伊  
欲效洪武所行何事罪二十三蘇克薩哈向班布爾善等稱說周  
公輔佐成王成王時年十四至二十餘歲方歸政務等語豈非不  
願 皇上親政伊仍執政務以符紊亂之心罪二十四以上蘇克  
薩哈所犯二十四罪俱實伊係輔政大臣有負 世祖章皇帝養  
育厚恩不仰體 遺詔以盡忠誠懷抱奸詐存蓄異心欺藐 主  
上種種任意詭飾之罪甚大本朝並無犯此等之例應將蘇克薩  
哈官職俱行革去卽凌遲處死蘇克薩哈之子內大臣查克旦不  
行勸阻應革職卽凌遲處死一等侍衛穗黑塞黑里郎中那賽候  
補塞克精額蘇克薩哈之姪圖爾泰俱革職蘇克薩哈之子達器  
德器孫侂克札蘇克薩哈親弟蘇嗎喇之子海蘭無論已到歲數

未到歲數皆斬立決伊等家產籍沒妻孥一併交內務府蘇克薩哈如有姪孫併家產一併籍沒爲奴白爾黑圖係前鋒統領自別旗尋歸認爲弟兄知蘇克薩哈匪爲不行勸阻反附其惡申爲心腹額邁德烏爾巴係護軍參領一等侍衛乃蘇克薩哈之叔之弟亦知蘇克薩哈匪惟不行勸阻反附其惡申爲心腹據此白爾黑圖額邁德烏爾巴俱革職皆斬立決二等侍衛占布柱等三十七人俱革職爲兵丁王府長史尼龕因毆打郎中代度曾經處分革職蘇克薩哈係伊一姓復行起用據此尼龕亦革職爲兵丁獄具奏聞 上知鰲拜等怨蘇克薩哈數與爭論是非積以成讐與其黨班布爾善等搆成罪款必欲置之極刑堅執不允所請鰲拜攘臂 上前強奏累日竟坐蘇克薩哈處絞其子查克旦等俱如議

○癸亥議政王等會議加恩輔政遏必隆於所有一等公外授爲

一等公鰲拜於所有二等公外授爲一等公從之○甲子以左敬

祖爲左副都御史

由通政使遷

○乙丑河道總督楊茂勳奏桃源南岸

烟墩口決趨入洪澤湖隄衝三百餘丈命速行修築○是月免江

西甯州湖南安化等四州縣去年霜災額賦有差

八月庚辰以塗應泰爲江西按察使

原任陝西按察使

○甲午予故工部

尙書傅維鱗祭葬○丁酉

上幸南苑行圍○予故原任左副都

御史宋徵輿祭葬○辛丑山西陝西總督盧崇峻奏甘肅提督張

勇等咨稱邊內住牧番眾部落盡數遷移出口承順德化戢志歸

巢下部知之

九月丙午纂修

世祖章皇帝實錄○以金維藩爲浙江按察使

由郎中遷

○丁未

上還宮○乙卯吏部奏查定例滿洲蒙古漢軍廕

生監生武官之子以部院衙門用文官之子照品級隨旗上朝嗣



後不論文武年至十八歲文義優者以部院衙門用其不能學習  
情願隨旗上朝者各照品級准其隨旗上朝得旨是順治十八年  
廢生監生亦著照此行○辛酉 皇子承瑞生○丁卯停今年秋  
決○雲南貴州總督卞三元提督張國柱李本深合詞請平西王  
吳三桂仍總管滇黔事務得旨該藩以精力日爲銷減奏請故照  
所請允行今地方已平若令王復理事務恐其過勞以致精力太  
損如邊疆地方遇有軍機王自應料理該部知道○是月免浙江  
奉化等十七縣衛福建龍溪等五縣本年旱災及象山等五縣去  
年水災額賦

冬十月戊寅移湖北驛傳道駐湖南管湖南驛糧事湖北糧道仍  
留湖北管湖北驛糧事○壬午喀爾喀畢錫勒爾圖汗之子根敦  
代青台吉率眾來歸封爲輔國公○丙戌賜秦藩信等一百人武

進士及第出身有差○己丑以法若真爲江南布政使

原任湖南右布政使

○庚寅定公侯伯一品官廕生以部院衙門五品缺用二品官廕生以六品缺用三品官廕生以七品缺用四品官廕生以八品缺

用○丙申山西陝西總督盧崇峻奏向因墨爾根等部落戀牧內地且有逃番蠻敬口稱各頭目欲於八月進兵臣卽親赴莊浪以

防意外隨據總兵官孫思克報稱游牧番人俱搬出原處住牧又有上年差往西藏之喇嘛回稱達賴喇嘛遵旨傳各台吉申飭不

許生事各台吉俱遵奉朝廷敕諭真心向化遣人齋認罪馬牛羊千隻隨喇嘛來進據此西番歸誠已實滿漢官兵應請撤回從之

○以崔之瑛爲雲南布政使

原任雲南右布政使

十一月丁未冬至祀

天於

圓丘恭奉

世祖章皇帝配享○

丙辰奉

世祖章皇帝配享

地祇詣

方澤行禮

上以親理

大政加上 太皇太后徽號曰 昭聖慈壽恭簡安懿章慶敦惠  
溫莊康和太皇太后 皇太后徽號曰 仁憲恪順誠惠皇太后  
頒詔加恩中外罪非常赦所不原者咸赦除之○廣東廣西總督  
盧興祖廣東巡撫王來任自陳不職並革職貴州巡撫羅繪錦自  
陳年老命以原品休致○癸亥雲南巡撫袁懋功丁父憂准回籍  
守制○甲子四川總督苗澄自陳不職命以原品解任○是月免  
直隸靜海等三十四州縣江西甯州等三十一州縣被災額賦有  
差

十二月辛未朔裁四川成都府仁安驛驛丞等四十八缺保甯府  
知事等九十二缺○壬申諭吏部都察院設直言官原爲國家大  
事兵民疾苦內外官員貪酷等項應許陳奏理宜簡約真切直陳  
以備採擇近見言官條奏於事理之外牽引比擬多用浮飾之言

或有將已結之事，勦襲充數者，或有挾私紛更國家已定良法者，且本章原令不得踰三百字，今踰額浮詞甚多，以後陳奏此等無益之處，俱著更改，如仍前不改，嚴加治罪。至言官如有所見，既許不時陳奏，其拾遺永行停止。爾部院卽傳諭嚴飭遵行。○乙亥，山西陝西總督盧崇峻奏請終制允之。○癸未，命各省復開鼓鑄。○乙酉，命修鹽法備考，漕運議單二書。○丁亥，以周有德爲廣東廣西總督。巡撫由山西劉秉權爲廣東巡撫。由內國史院學士選○戊子，增戶部尚書一員，以馬遵養調補。由工部調○辛卯，以佟鳳彩爲貴州巡撫。原任四川巡撫。○是月，免直隸武清湖廣通城陝西平涼等二十八州縣衛所被災額賦，免山東齊東縣蝗災額賦十之三。○是歲，朝鮮荷蘭入貢。○人丁戶口一千九百三十六萬四千八百八十一。田地山蕩畦地五百四十一萬一千四百七十三頃五十四畝，徵銀二千五

百八十四萬九百八十一兩有奇米豆麥六百一十五萬四千八百四十五石有奇草二百三十萬二千束茶十六萬五千七百一十引行鹽四百三十一萬八千二百五十三引徵課銀二百七十五萬四千五百四十五兩鑄錢二萬九千三百九十五萬三千六百有奇

東華錄

康熙八

臣王先謙敬編

臣周澗蕃恭校

康熙七年戊申春正月丁未以額赫里爲工部尙書由督補○戊

申以莫洛爲山西陝西總督由左副都御史遷劉兆麒爲四川總督由湖南巡

撫遷○九卿科道會推雲南巡撫以原任南贛巡撫林天擎擬正通

政使李天浴擬陪得旨林天擎係平西王下人員見今王住雲南

林天擎不應推此缺著李天浴爲雲南巡撫○庚戌建孝陵神

功聖德碑其文曰我國家肇基東土祖功宗德昭格皇天恢

宏景運於萬年篤生我皇考皇帝睿聖首出奄有萬邦大孝宏

仁武功文德配兩儀而軼千古旣奉冊寶恭上尊諡惟陵寢宜

有功德之碑謹撰大槩鐫諸貞珉用傳永久敘曰皇考世祖體

天隆運英睿欽文大德弘功至仁純孝章皇帝諱 太宗應天興國弘德彰武寬溫仁聖睿孝隆道顯功文皇帝第九子也 母昭聖慈壽恭簡安懿章慶敦惠溫莊康和太皇太后 皇考未誕之先 太皇太后嘗有紅光繞身女侍驚以爲火近則不見眾皆大異之又夢異人授一子曰此統一天下之主也次日 皇考誕生宮內紅光照耀香氣瀰漫經久不散 皇考生而神靈英異非常六齡讀書不假師資一目數行俱下 太宗甚鍾愛焉甲申嗣登大寶是時流寇肆逆明祚已終國亡君殉萬姓無歸爰整六師一戰而破百萬之強寇乃建都燕京齊晉秦豫傳檄底定靖寇救民王師南下金陵僭號者其臣下執之以降由是下楚蜀平浙閩兩粵滇黔數年之內以次掃蕩遂成大一統之業治本愛民出師則嚴紀律毋敢殺掠百姓知民苦賦重盡除明季加派又停江浙督

催織造官免陝西皮張絨褐之貢罷各省柑橘鱗魚石榴等物之進停止邊外城工蠲派徵民間助工之餉已臨清燒甑之役減朝鮮進貢之數定賦役全書修大清律令各衙門規制事例祇奉

太祖 太宗成法治具畢張敬 天尊 祖饗祀親虔孝事 太

皇太后晨興問安長跪受教披閱章奏每至夜分勤學好問擇滿漢詞臣充經筵日講官於景運門內建直房令翰林官直宿備顧問經書史策手不釋卷遂知性知天洞悉至道兼綜天文地理禮樂兵刑賦役古今因革利病之源旁及諸子百家莫不博涉得其要領素衣菲食不興土木之工親視太學釋奠先師發帑金崇其廟貌雖太平不弛武備立賢無方丁亥己亥再舉會試間廣額數以羅人才科場作弊者從重治罪視滿漢如一體遇文武無重輕破故明人臣朋黨之習尙廉正斥貪邪時時甄別廷臣以示激勸



下詔求言虛懷納諫外官入覲面諭以愛民勤職詳慎刑獄大辟覆奏再四駁審命官恤刑各省冤濫者皆得免又停秋決一年闈寺不使外交立鐵牌示禁命儒臣修 祖宗聖訓順治大訓通鑑全書孝經行義等書以教天下臣民詣先農壇躬耕藉田勸農以足民四方水旱災荒頻發內帑多金賑濟雲貴初平頒發帑金溥賑軍民焦心勞思惟念軍民疾苦至於故明諸陵設護衛禁樵採憫崇禎帝死難頒諭祭誅其臣之殉難者子贈卹其宗室投順者令畜養樂業其厚待如此我 皇考以精明理政務以仁厚結人心法制則細大無遺德音則遐邇咸徧故使山陬海澨莫不覃被恩膏東至使鹿使犬等國西至厄內特黑吐嚙番等國北至喀爾喀俄羅斯等國南至琉球暹羅荷蘭西洋海外等數百國見海不揚波咸曰中國有聖主出焉梯山航海莫不重譯來王我 皇考

惟是兢業祇慎無一日自暇逸也順治十八年正月不豫於丁巳  
日上賓嗚呼哀哉 聖壽二十有四在位十八年葬 孝陵豫

定於昌瑞山 皇考遺命山陵不崇飾不藏金玉寶器嗚呼故明  
政亂久矣 太祖高皇帝 太宗文皇帝誕膺景命定亂無難特  
以尙德緩兵故也至我 皇考當流寇殘破明室生民塗炭大兵  
西下埽平逆寇統一寰區非神武不能開基非至聖不能致治謨  
烈於昭道法具在雖堯舜之德湯武之功何以尙茲謹拜手稽首  
而陳頌曰 天佑下民眷於有德大清受命奄有方域 太祖肇

基 太宗弘業 皇考續緒亶生睿質運協禎符懋建皇極大武  
布昭剪除寇賊王師西下一戰而克定鼎燕京綏懷反側指顧蕩  
平一統萬國怙冒烝生仁恩洋溢罷貢停工以甦民力立綱陳紀  
利興弊革成憲周詳有典有則圖治勵精憂勞日昃萬幾畢理大

猷允塞崇儉去奢克勤無逸敷政優優居心翼翼丕承遺緒永言  
孝思先意順志恭事慈幃好學不倦悟道淵微博綜經史百事周  
知戒勵臣工首在勿欺賢奸立辨黜陟咸宜纂成文籍洋洋訓詞  
金匱是寶萬世可師慎刑薄賦賑救荒災勸農興學富之教之帝  
王道貫覆載功齊聲教四訖遠邇不遺殊方重譯入貢京師治化  
溥洽道法昭垂休徵駢集洪烈長貽巍巍 孝陵神爽憑依山苞

川拱祥護靈祇鏤詞貞石億禩歌思○辛亥以岳思泰爲兵部督

捕左侍郎

由內國史院學士遷

○甲寅山西巡撫楊熙自陳不職命以原品

解任○乙卯以劉芳躅爲山東巡撫

由內祕書院學士遷

○丙辰以哲庫訥

爲左副都御史

由太僕寺卿遷

○戊午以世祖章皇帝配天覃恩加祭

拜邊必隆太師坡爾益法保彭春那摩佛戴壽鄔黑俱太子少師  
吳應熊少傅兼太子太傅耿聚忠尙之隆耿昭忠白文選俱太子

少師○宗人府議覆貝勒杜蘭當元旦慶賀筵宴之時眾皆豫集伊獨偃息他處因此巴圖魯公鰲拜等令部臣察問伊不以理說反口出大言又復巧飾叩閭情罪重大應解宗人府左宗政並議政之任革去多羅貝勒鞫禁撤取所屬人員得旨杜蘭理應依議治罪姑從寬免其羈禁及撤取所屬人員著解宗人府左宗正並議改革去貝勒降爲鎮國公嗣後務痛自改悔以圖勤勉如不改前惡決不寬宥○先是御史楊維禱奏昔世祖章皇帝時凡引見官員皆跪奏履歷今見諸臣引見俱不跪於尊卑之分未合請敕部遵舊制行得旨該部議奏至是禮部議覆各官引見原係察驗身材齒貌應照前站立天語垂問方行跪奏又一議站立非人臣對君之體嗣後引見文武各官應跪得旨依後議○壬戌諭兵部外藩蒙古諸王下官員既無封贈及送子入監讀書之例伊

斯丹津王下官員亦著停止封廕○以林天擎爲湖廣巡撫

原任南贛

巡撫○癸亥以覺羅阿塔爲山西巡撫

由大理寺卿還

白清額爲陝西巡撫

由光祿寺卿還○戊辰以達爾布爲山西布政使阿席熙爲陝西布政使

俱由吏部郎中遷

二月庚午朔賑甘肅平涼慶陽臨洮鞏昌四府饑○辛未廣東提

督常進功奏逆賊魏韜嘯聚朝陽海面臣會同左翼總兵官于奮

起技剿康熙六年十月大敗賊眾獲僞參謀吳俊親信陳阿五等

賊渠棄舟潛逃下部知之○壬申定各省督撫薦舉屬員額數○

甲戌以色特爲山西按察使穆成額爲陝西按察使

俱由刑部郎中遷

己卯內國史院大學士巴泰以疾請解任命以原官致仕○壬午

以趙曰冕爲湖南按察使

原任江南按察使

○乙酉詔訪求精通天文占

候者○辛卯 上幸南苑行園○四川巡撫劉格請復姓名張德

地允之○戊戌 上還宮○是月免直隸景州奉天承德浙江臨海陝西甯州等十七州縣衛去年被災額賦

三月己亥朔福建總督祖澤溥奏向例各府推官赴省承問欽件今推官奉裁事歸知府但知府有地方專責不便輕離而同知通判事務稍簡以之按季輪班赴省承問是亦詳慎刑名之意也下部議行○丁未諭吏部國家政務必委任賢能乃可贊成上理今在京各部院滿漢官員俱論資俸升轉係見行之例但才能出眾者常以較量資俸超擢無期此後遇有緊要員缺著不論資俸將才能之員選擇補用○己未停巡視茶馬差○遣官賑甘肅西甯饑○辛酉諭吏部戶部都察院鹽課關繫緊要必得廉幹之員差遣乃能嚴緝私販惠恤商民疏通引法以裕國課近見課額未增商民又鮮裨益之處以後不必專差監察御史應將廉幹之員選

擇兼差爾部院酌量定議以聞○諭吏部舊例科道乏員行取在外有司考選補授原因有司乃親民之官諳悉民間利弊得以據實直陳有裨政治且外官內擢足以鼓勵人才振興吏治今後科道缺出可移文督撫就有司內舉才能素著者咨部爾部詳覈具題行取來京朕親選用每歲宜行取幾人爾部酌議以聞○諭吏部近聞在京諸臣違法遣人往各省官員處借名問候多索財物又干預地方事挾持請託顛倒是非甚爲良民之害有等遊行光棍討取官員書札或雕刻別人圖書投見地方官員恣行欺誑此等情弊深可痛恨地方大小各官果能持己端方制行清直於此等違法干請之輩卽不應所求不給財物何懼之有以後地方文武各官遇有此等遊棍應卽嚴拏具奏將主使之入究出從重治罪若畏懼行私不行陳奏被旁人訐告科道糾參將地方官一併

從重治罪爾部通行曉諭內外王以下文武大小各官○諭刑部  
向來東西長安門外豎立石牌原爲民有冤枉令其伸告近見奸  
狡棍徒並無冤抑諒捏事端誣告者多實情者少將無辜牽連苦  
累又聞無賴之徒指稱叩閣在地方恣行挾詐擾害良民是負朝  
廷恤民之心而開奸徒生事之路也通政使司登聞鼓衙門既許  
封進狀詞伸理冤枉以後內外官民果有冤抑事情著照例於通  
政使司登聞鼓衙門告理叩關之例永行停止○丁卯兵部奏前  
奉 上諭凡外國之人除進貢方物外將貨物在邊界處所貿易  
有無定例命臣等會同禮部詳察具奏查外國非係貢期徑來貿  
易者會典並未開載惟康熙二年准荷蘭國貿易一次康熙三年  
准暹羅國貿易一次隨於康熙五年永行停止請嗣後非係貢期  
概不准其貿易從之○是月免江南邳州陝西邠州甘肅甯州等



四十七州縣所去年被災額賦以甯州安化等五州縣民疾疫並免其丁銀

夏四月己巳朔吏部等衙門遵旨議覆嗣後巡視鹽政不必專差御史應於六部滿漢司官內揀選賢能之員一併差遣所差司官俱授御史職銜差滿考覈仍回原任從之○癸酉左副都御史左敬祖以疾乞休允之○庚辰予故戶部侍郎致仕鏗特祭葬○先是浙江嘉善縣民郁之章有罪流徙尙陽堡會有認工贖罪之例其子候選知縣郁襄請修刑部衙署贖父還里至是限期將滿尙未訖工郁之章例當復徙郁襄叩關願棄官代父之徙所郁襄弟生員郁廣亦叩關言己當代徙留其兄郁襄侍父疾部議子代父徙非舊例仍治以衝突儀仗罪上矜其孝友特並宥之○壬午吏部議覆山西巡撫楊熙奏都司經歷武宏祖具呈請回旗終養

查與例不符應不准行得旨漢官有終養之例旗下出仕外省者向無終養之例終養關係孝道不宜以漢官旗下官分別著再畫一具奏尋部議武宏祖准如漢官例終養並著爲例從之○癸未以金世德爲左副都御史

由左僉都御史遷

○吏部遵旨議覆行取知縣

既各行各省令將才能夙著者選送若預定員數或人不及額而庸流得以濫充或人浮於額而賢者無由盡舉嗣後應停其定數凡知縣內有卓異薦舉無錢糧盜案者列名咨送如無卓異薦舉之員將歷俸三年無錢糧盜案才能夙著者令該督撫詳確選擇列名咨送臣部復行詳覈具題行取來京候 皇上考選以科道用者註冊候缺出以次題補用完之日再行具題行取若無才能官員不必充數濫送督撫有咨送匪人及錢糧盜案未結之員者治以徇情之罪從之○甲申停巡倉御史差○己丑裁直隸各省

大小衙門吏攢承差等役三千八百四十九名共存留二萬六千五百八十六名○庚寅初安南都統使莫元清爲安南國王黎維禧所偏奔入雲南上疏陳訴 上命安置莫元清於南甯安南國王黎維禧亦上疏言與兵復讐始末 上遣內祕書院侍讀李仙根等齎敕宣諭黎維禧敕曰 皇帝敕諭安南國王黎維禧據爾奏稱因莫元清之祖莫登庸有偏陷爾先國母先嗣王行弑奪國之讐令與兵致討等語又稱報復爾國前讐剷除莫氏止有莫敬恭莫敬寬竄高平爾又往討已經設誓和好等語據此則爾讐已復和好完結各居異地矣莫氏作亂之人旣皆喪亡又係故明嘉靖時已完之事蓋已事遠年久莫元清先經納貢歸誠朕授都統使之職爾後又納貢歸誠隨封爲王爾今生事與兵稱爲復讐理應於未與兵之前將情節陳奏聽候敕旨乃竟未請旨遽爾興兵

殘破高平地方殺戮兵民殊爲不合今稱遵旨罷兵著將高平地  
方人民俱復還莫元清各守土安生以副朕綏乂生民之心盡爾  
奉藩之義庶永承寵眷之祉矣其慎思恪遵而行毋違特諭○定  
變儀使品級視尙書○辛卯海澄公黃梧奏海疆底定非昔日強  
寇出沒可比福建全省之兵並歸經制獨同安城守一營官兵尙  
屬臣標請將城守營副將一員兵一千名悉歸經制聽總督提督  
管轄從之○御史徐旭齡奏國家生財之道墾荒爲要乃行之二  
十餘年而無效者其患有三一則科差太急而富民以有田爲累  
一則招徠無資而貧民以受田爲苦一則考成太寬而有司不以  
墾田爲職此三患者今日墾荒之通病也朝廷誠講富國之效則  
向議一例三年起科者非也田有高下不等必新荒者三年起科  
積荒者五年起科極荒者永不起科則民力寬而佃墾者眾矣向

議聽民自佃者非也民有貧富不等必流移者給以官莊匱乏者貸以官牛陂塘溝洫修以官帑則民財裕而力墾者多矣向議停止五年墾限者非也官有勤惰不等必限以幾年招復戶口幾年修舉水利幾年墾完地土有田功者升無田功者黜則懲勸實而督墾者勤矣下部確議具奏○癸巳金星見午位色微暗

五月辛丑盛京工部侍郎努山以監修 永陵殿工不固解任○

丁未以張文德爲貴州按察使由陝西麓右道遷○壬寅京師地震○乙

卯以旱飭廷臣修職業詔內外清理刑獄釋輕繫重囚可矜疑者減罪一等○丙辰子故致仕安徽巡撫宜永貴祭葬○甲子安南國王黎維禱奏請六年兩貢並進禮部議仍照會典定例三年朝貢得旨覽王奏稱該國僻居禹服之外道路悠遠山川阻深貢役勞苦三年六年先後雖異禮意恭敬則一等語該國遵奉教化孳

誠可嘉此進貢著照該王所奏行○丁卯以敖色爲盛京工部侍郎由左通政遷○是月免直隸東光山東海豐縣去年被水額賦十之

二

六月癸酉金星晝見○丁丑諭刑部嚴禁賭博○己卯以徐烜爲廣東布政使原在貴州布政使○庚辰黃河烟墩工竣○癸未以布顏爲

禮部尙書

由左侍郎遷

索額圖爲吏部右侍郎

由一等侍衛遷

○乙酉諭兵部

嗣後緝捕叛犯本省仍照例立限承緝其通行各省者槩許案緝不必依限取結以滋民累著爲令○丁亥以濟世爲工部尙書

由

○平南王尙可喜奏請遣子之信入侍允之○乙未轉常勳爲

禮部左侍郎以米思翰爲禮部右侍郎

由內務府總管遷

○是月免直隸

固安甘肅莊浪等八縣被災額賦

秋七月己亥裁貴州清平縣歸併麻哈州○令奉天唐官等屯所

圈之地退還民間○以貴州新設大定平遠黔西威甯四府均屬  
苗戶暫免編丁其地畝照衛田徵糧○壬寅命鄉會試復以八股  
文取士○乙卯直隸巡撫甘文焜奏復巡歷舊規部議不准得旨  
前諭各省遇有水旱等災督撫務減儀從將被災地方作速親勘  
欲令體訪貪虐官吏重加懲治且使兵民疾苦地方應行之事得  
以驗實更改督撫若不巡歷屬員反借災荒顛倒重輕私行科派  
俱未可定甘文焜所請著准行○戊午革職漕運總督恭順侯吳  
維華密奏請徵各州縣鎮市房號銀兩及江南三十餘洲令民納  
價領種 上惡其害民斂財交刑部議罪○壬戌兵部議覆四川  
總督苗澄奏西陽一司兼石耶平茶邑梅三長官司封畛過侈不  
得不爲先事之防考名勝誌明永樂初平茶邑梅二司改隸渝州  
渝州卽今重慶府也宜照此例將平茶邑梅二司改隸重慶以消

蠻司土廣民眾之勢從之

八月壬申戶部尙書王宏祚以失察書辦勞于新等假印盜庫銀及孫文煒等控告不覈實革職○戊寅工部議覆河道總督楊茂勳奏河決桃源黃家嘴壞隄工二百餘丈應令該督速行確勘修築從之○己卯裁雲南歸化縣歸併呈貢縣鶴慶府順州歸併鶴

慶府○辛巳調黃機爲戶部尙書

由禮部調

○壬午命各部院衙門凡

不係具題緊要事情槩不准給驛站○癸未命刑部酌定見行則例詳晰分款陸續進覽○甲申宗人府題多羅郡王蘭布告稱我

父尼堪在軍前效力 世祖章皇帝封爲和碩敬謹親王復命爲

定遠大將軍往征湖南陣亡將和碩親王襲與我弟尼思哈後以諂媚睿王與譚泰之事將巽親王端重親王俱降爲貝勒因我父陣亡將尼思哈承襲之和碩親王不降順治十八年我弟尼思哈



亡後減去親王將我授爲多羅貝勒康熙六年念我父陣亡深爲可憫升封郡王竊思世祖章皇帝將二王降爲貝勒仍留尼思哈所襲之親王此特念我父尼堪陣亡之功也今無故減襲乞將此冤抑之處議明轉奏查敬謹親王因奉世祖章皇帝諭旨仍

留所襲親王今多羅郡王蘭布應將伊父和碩親王承襲得旨多

羅郡王蘭布著襲封和碩親王○戊子調郝惟訥爲禮部尙書刑

部調○丙申禮部等衙門議覆五官正戈繼文等所算七政厯金水

二星差錯太甚主簿陳聿新七政厯未經測驗亦有差錯監副吳

明烜之七政厯與天象相近理應頒行但陳聿新推算己酉年民

厯已經頒行各省不便更換止於本年暫用其七政經緯躔度月

五星陵犯等厯及日月交食既據吳明烜自認務求合天應自康

熙九年以後俱交吳明烜推算仍令欽天監堂官公同四科官員

每日上臺晝測晷影以定節氣夜測日月五星以定行度四年之內修正務期合天著成厯書得旨著吳明烜將康熙八年厯日七政厯日推算進覽餘依議

九月丁酉朔調朱之弼爲刑部尙書

由工部調

○庚子金星晝見○癸

卯以對喀納爲內國史院大學士

由刑部尙書遷

○甲辰以王熙爲工部

尙書

由左都御史遷

○轉邁音達爲兵部左侍郎以塞色黑爲兵部右侍

郎

由內祕書院學士遷

○乙巳以李紳霄爲江西布政使

由四川按察使遷

潘超先

爲貴州布政使

由陝西按察使遷

○丁未裁四川崇甯縣歸併邛縣彭縣

歸併新繁縣岳池縣歸併廣安州新甯縣歸併梁山縣大甯縣歸

併奉節縣武隆縣歸併涪州○戊申以明珠爲刑部尙書

由內宏文院學

士

遷○辛亥以馮溥爲左都御史

由吏部左侍郎遷

○壬子內祕書院侍讀

學士熊賜履奏

皇上一身

宗廟

社稷所倚賴中外臣民所

瞻仰近聞 車駕將幸邊外伏乞俯採芻言收回成命如以農隙  
講武則請遴選儒臣簪筆左右一言一動書之簡冊以垂永久得  
旨是朕允所奏停止邊外之行所稱應設起居注官知道了給事  
中趙之符亦請暫停遠幸得旨是○癸丑諭吏部兵部朕以秋冬  
農隙講武之時欲一往邊外閱視不久即還今覽諸臣前後各奏  
稱今歲災變甚多不宜出邊以致兵民困苦朕思諸臣抒陳忠悃  
直言進諫深爲可嘉已允所請停止邊外之行以後國家緊要重  
大事情如有未當務將所見直陳朕不憚更改爾二部即傳諭遵  
行○內祕書院侍讀學士熊賜履奏朝政積習未祛國計隱憂可  
慮恭陳管見仰佐睿謨臣聞古帝王制治貴力行不貴多言人主  
格天在實政感孚不在鋪張儀具我 皇上聰明天亶朝綱獨握  
天下之人靡不翹踵拭目以觀德化之成而莅政以來設施措置

猶未足以大厭服斯人之望豈積習之難除歟抑力行之未至也  
如祀郊壇秉琮璧敬天矣而時幾救命果無間於旦明否也修實  
錄率舊章法祖矣而覲揚光烈果無斂於顯承否也早臨午御勤  
政矣而章程之叢脞猶煩也蠲荒賑乏恤民矣而井閭之疾苦猶  
劇也詔修太學矣而辟雍之鐘鼓不聞奏請經筵矣而文華之几  
案未設清銓敘而吏道益雜肅官箴而廢弛滋甚 皇上日孜孜  
焉惟乂安致治之是務而曾無一如 聖志之所期此臣之所爲  
太息也年來災異頻仍饑荒疊見此正宵旰憂勤徹懸減膳之日  
伏乞 皇上思 祖 宗付託之重念朝野望治之殷恪謹天戒  
顧畏民瘁以誠爲奉若之本以敬爲綏猷之要秉乾行健自強不  
息所爲君志定而天下之治成矣然非曰一人垂拱於上百職事  
承奉於下而初無藉於啓沃開導也宋儒程頤曰天下治亂繫宰

相君德成就責經筵是講學勤政二者不可偏廢而在今日尤爲最切要者也臣請蒞政之暇間御便殿接見儒臣諮諏講論如天人理欲之分危微操舍之界道術是非之辨政事得失之由一一明晰而詳究之凡措諸施爲徵諸政教無一不本之以誠持之以敬而無或有纖微之間怠則禔診潛消庶徵協應矣得旨本內稱朝政積習未除國計隱憂可慮設施措置未大厭服斯人之望等語著據實逐一明白具奏○甲寅以納桑阿爲盛京戶部侍郎由左

通政○丙辰內祕書院侍讀學士熊賜履遵旨回奏前奏請舉經筵蒙 皇上有抒陳忠悃直言進諫之哀隨復奉有嚴綸令臣明白指陳臣學道無聞願忠有素祇因年來災變流行上天譴告或亦人事因循所致故有積習未祛隱憂可慮之奏又願 皇上治如堯舜俗若成康故有未大厭服斯人之望等語正使今日已治

已安盡善盡美而臣子入告亦必有憂勤惕勵之言以感動 至尊庶幾制治未亂保邦未危之意惟 皇上俯鑒焉得旨既不能實在指陳則是妄行冒奏以沽虛名也下部議處尋部議降二級調用 上從寬免之○己未調杜篤祐爲吏部左侍郎由工部調○辛酉停總兵官軍政自陳聽總督提督考覈其無總督地方聽提督巡撫考覈○壬戌命江南蘇州府開鑪一百座鼓鑄○是月免湖廣黃岡浙江甯海等二十縣旱災額賦

冬十月丁卯命查故明廢藩田房悉行變價照民地徵糧其廢藩名色永行除革○命內外八旗滿洲蒙古漢軍武官爲其父母祖父母及過繼父母祖父母居喪三月私居仍持服三年奉差出外者以回家之日爲始○庚午 上幸南苑行圍○甲戌添設 孝陵讀祝官贊禮郎各一○戊寅定武殿試一甲一名進士以參將

用二名進士以遊擊用三名進士以署遊擊管營都司僉書用○

己卯 上還宮○乙酉轉楊運昌爲工部左侍郎以吳正治爲工

部左侍郎管右侍郎事

原任刑部左侍郎

○以席式爲福建按察使

原任廣東

按察使

宋可發爲四川按察使

原任山西按察使

陳子達爲陝西按察使

原任

○戊子禮部以江南取到元郭守敬儀器請旨定奪得旨楊光先奏稱所用律管葭苧秬黍已經取到照尺寸方位候過二年未見效驗按候氣之法自北齊信都方取有效驗之後經千二百餘年俱失其傳爾部議交與楊光先令訪求博學有心計之人應將一千二百餘年失傳之處能行修正之人可得與否及楊光先能修正與否俱詳問再議具奏○庚寅裁湖廣總督○刑部議覆副都御史董篤行奏朝審之時全憑獄冊驗看今每衙門止送一冊各員目不及見朦朧畫題甚非慎獄之意請飭增造獄冊每人送一

冊查閱從之○是月免安徽泗州等八州縣水災額賦

十一月丁酉暹羅國王森烈拍臘照古龍拍臘馬噶陸坤司由提呀菩埃遣使入貢○己亥禮部奏暹羅國進貢方物與會典不符應責其後次補貢得旨暹羅小國貢物有產自他國者與會典難以相符所少貢物免其補進以後但以伊國所有者進貢○壬寅盛京禮部侍郎胡密達以病乞休允之○戶部遵旨議覆保定等府屬水災照例再加一分蠲免得旨朕聞保定府真定府霸易道所屬州縣地方被災特甚殊爲可憫今若照爾部所議於定例外止增一分蠲免四分恐百姓不能輸納錢糧以致困苦其被災十分九分者著將今年應徵錢糧全免其被災八分七分者著再增一分免四分此內錢糧有已經徵收者著流抵來年應徵錢糧爾部於此蠲免錢糧地方刊示曉諭令小民均霑實惠○己酉江南



江西總督郎廷佐以病乞休允之○丙辰諭吏部各部院衙門事務殷繁必得賢能之人乃克辦理近見倉場侍郎王度年齒衰邁副都御史董篤行才力不及伊等俱當處分但念其效力有年著以原品致仕都察院科道等官職司建白糾彈內外大小各官有衰庸及貪酷溺職者理應據實指參近見言官章奏或條陳無可採取之瑣事或止將微員塞責不過以職任言官曾言某事徒沾虛名而已如內部院堂司各官果有屬託行賄者卽行糾參外而督撫以下有爲害地方苛虐小民大貪大惡者卽據實不徇情面參發則惡人知做地方又安豈有不臻太平之理爾等身爲言官並不據忠入告殊爲未盡厥職理應俱加處分姑寬免一次以後務破情面據實參奏以副朕用人圖治之意爾部卽嚴飭遵行○禮部遵旨議覆候氣之事據欽天監監正楊光先奏稱律管尺寸

雖載在司馬遷史記而用法失傳今博訪能候氣之人尙在未得  
臣身染風疾不能管理查楊光先職司監正候氣之事不當推諉  
應仍令延訪博學有心計之人以求候氣之法從之○癸亥以馬  
紹曾爲左副都御史由督構右理事官遷○是月免直隸順天江南淮揚河  
南磁州湖廣潛江浙江山陰等一百一十四州縣水災額賦其安  
陽臨漳仍賜復三歲田地爲水所壞者永豁除之免保安州雨雹  
瀏陽旱災賦十之三

十二月乙丑朔給事中賀和達奏總督京通倉應差滿洲侍郎一  
員從之○丙寅雲南貴州總督卞三元以母老奏請終養從之○  
壬申封喀喇沁多羅杜楞貝勒班達爾沙爲多羅杜楞郡王以伊  
祖蘇布迪於 太宗文皇帝時歸順效力著有勞績也○癸酉以  
麻勒吉爲江南江西總督由刑部左侍郎遷○丁丑以喀代爲倉場侍郎

由通政使遷

○戊寅裁廣東左路總兵官○己卯以甘文焜為雲南貴

州總督

由直隸巡撫遷

○庚辰以范承謨為浙江巡撫

由內祕書院學士遷

○辛巳

轉阿哈碩塞為刑部左侍郎以納布為刑部右侍郎

由左副都御史遷

○

癸未裁直隸大甯都司歸併保定左衛萬全都司歸併宣撫前衛

○給事中吳愈聖奏劾吏部侍郎梁清寬衰邁兵部侍郎曹國柄

才力不及得旨俱著以原品休致○己丑以阿思祜為左副都御

史

由大理寺卿遷

○庚寅調蔡毓榮為吏部左侍郎管右侍郎事

由刑部調○

以金世德為直隸巡撫

由左副都御史遷

○治理麻法南懷仁劾奏欽天

監副吳明烜所造康熙八年七政民麻內康熙八年閏十二月應

是康熙九年正月又有一年兩春分兩秋分種種差誤得旨麻法

關繫重大著議政王貝勒大臣九卿科道會同確議具奏○癸巳

康親王傑書等遵旨覆奏南懷仁所稱吳明烜推算麻日種種差

錯麻法精微遠難定議應差大臣同伊等測驗得旨著圖海李蔚  
多諾吳格塞布顏明珠黃機郝維訥王熙索額圖科爾科代董安  
國曹申吉工清葉穆濟吳國龍李宗孔王曰高田六善徐越同往  
測驗○是月免山東地震州縣田租○是歲朝鮮安南暹羅入貢  
○人丁戶口共一千九百三十六萬六千二百二十七田地山蕩  
畦地五百四十一萬三百五十頃八十七畝徵銀二千五百八十  
三萬八千九百二十六兩有奇米豆麥六百一十五萬三千一百  
六十七石有奇草二百三十萬六千五百三十二束茶十六萬七  
千二百七十引行鹽四百三十三萬三千六百六十七引徵課銀  
二百七十六萬五千一百六十七兩鑄錢二萬八千七百一十三  
萬三千四百有奇